



Government Gazette

REPUBLIC OF SOUTH AFRICA

Vol. 685

Cape Town
Kaapstad

1 July 2022

No. 46650

THE PRESIDENCY

No. 1131 **1 July 2022**

It is hereby notified that the President has assented to the following Act, which is hereby published for general information:—

Act No. 1 of 2022: National Forests Amendment Act, 2022

DIE PRESIDENSIE

No. 1131 **1 Julie 2022**

Hierby word bekend gemaak dat die President sy goedkeuring geheg het aan die onderstaande Wet wat hierby ter algemene inligting gepubliseer word:—

Wet No. 1 van 2022: Wysigingswet op Nasionale Bosse, 2022

ISSN 1682-5845



9 771682 584003



4 6 6 5 0



AIDS HELPLINE: 0800-0123-22 Prevention is the cure

ALGEMENE VERDUIDELIKENDE NOTA:

- [] Woorde in vet druk tussen vierkantige hake dui skappings uit bestaande verordenings aan.
- _____ Woorde met 'n volstreep daaronder dui invoegings in bestaande verordenings aan.

(Engelse teks deur die President geteken)
(Goedgekeur op 26 Junie 2022)

WET

Tot wysiging van die Nasionale Wet op Bosse, 1998, ten einde duidelike omskrywings vir nasionale bosse en boomveld te voorsien; om voorsiening te maak vir openbare trusteeskap van die land se bosbouhulpbronne; die bevordering en afdwinging van volhoubare bosbestuur te verhoog; vir meer maatreëls in die Wet voorsiening te maak om ontbossing te beheer en reg te stel; om voorsiening te maak vir appèlle teen besluite kragtens gedelegeerde bevoegdhede en pligte geneem; misdrywe en strawwe te verswaar; en om voorsiening te maak vir aangeleenthede wat daarmee in verband staan.

DAAR WORD BEPAAL deur die Parlement van die Republiek van Suid-Afrika, soos volg:—

Wysiging van artikel 2 van Wet 84 van 1998, soos gewysig deur artikel 1 van Wet 12 van 2001

1. Artikel 2 van die Nasionale Wet op Bosse, 1998 (Wet No. 84 van 1998) (hierna die “Hoofwet” genoem), word hierby gewysig— 5

- (a) deur in subartikel (1) die volgende omskrywing voor die omskrywing van “boomveld” in te voeg:
- “ ‘**Appèlkomitee**’ die komitee saamgestel ingevolge artikel 57A(2);”;
- (b) deur in subartikel (1) die omskrywing van “boomveld” deur die volgende omskrywing te vervang: 10
- “ ‘**boomveld**’—
- (a) ’n groep inheemse bome wat nie natuurlike bos is nie, maar waarvan die krone ten minste 5% van die gebied dek wat deur die bome in beslag geneem word, wat in ’n toestand van agteruitgang ’n kroondekking van minder as 5% kan hê; of 15
- (b) enige soort plantegroei wat by kennisgewing in die *Staatskoerant* deur die Minister tot boomveld verklaar is;”;
- (c) deur in subartikel (1) die omskrywing van “natuurlike bos” deur die volgende omskrywing te vervang: 20
- “ ‘**natuurlike bos**’ ’n groep hoofsaaklik inheemse bome—
- (a) waarvan die krone grotendeels aanrakend is in ’n ongerepte toestand;

- (b) wat enige suksessionele stadium of staat van bosagteruitgang kan verteenwoordig, in welke geval die krone nie noodwendig aanrakend is nie;
- (c) wat voorkom saam met kenmerkende plante of diere wat in vegetasiekunde as diagnostiese spesies van 'n bepaalde natuurlike bostipe erken word; of
- (d) wat deur die Minister verklaar is 'n natuurlike bos te wees ingevolge artikel 7(2);";
- (d) deur in subartikel (1) die volgende omskrywing na die omskrywing van "natuurlike bos" in te voeg: 10
 - "**'nuwe grondgebruik'** enige menslike aktiwiteit wat lei tot die gebruik van grond wat sal vereis dat natuurlike bos verwyder word, wat nie beperk is tot grondgebruik wat grondgebruikgoedkeuring, sonering of hersonering vereis nie;";
- (e) deur in subartikel (1) die volgende omskrywing na die omskrywing van "Staatsorgaan" in te voeg: 15
 - "**'toewysing'** die heeltydse of tydelike oordrag van—
 - (a) 'n bevoegdheid, plig, rol of werksaamheid van die funksionele domein van nasionale regering na een of meer provinsiale regerings, staatsorgane of aan persone wat nie staatsorgane is nie; of
 - (b) die administrasie van 'n aangeleentheid vermeld in Bylae 4, Deel A van die Grondwet;"; en
- (f) deur die volgende omskrywing na die omskrywing van "trustbos" in te voeg: 20
 - "**'vernietiging van natuurlike bos'** enige aksie waar een of meer bome in 'n natuurlike bos afgekap of doodgemaak word, of die ondergroei verwyder word, vir die doel van grondgebruik of hulpbrongebruik;";

Invoeging van artikel 2A in Wet 84 van 1998

2. Die volgende artikel word hierby na artikel 2 in die Hoofwet ingevoeg:

"Openbare trusteeskap van nasionale bosbouhulpbronne

2A. Die Nasionale Regering, as die openbare trustee van die land se bosbouhulpbronne, handelende deur die Minister, moet verseker dat hierdie hulpbronne, saam met die grond en verwante ekosistels waar dit voorkom, op 'n volhoubare en gelyke wyse beskerm, bewaar, ontwikkel, gereguleer, bestuur, beheer en benut word tot voordeel van alle persone en ooreenkomstig die grondwetlike en ontwikkelingsopdrag van die staat."

Wysiging van artikel 7 van Wet 84 van 1998, soos gewysig deur artikel 2 van Wet 12 van 2001 en artikel 1 van Wet 35 van 2005

3. Artikel 7 van die Hoofwet word hierby gewysig—
- (a) deur die opskrif deur die volgende opskrif te vervang: 40
 - "**Verbod [op] teen vernietiging [van bome] in natuurlike bosse**";
 - (b) deur in subartikel (1) paragrafe (a) en (b) deur die volgende paragrafe te vervang:
 - (a) enige inheemse boom of enige ander inheemse plantegroei in 'n natuurlike bos afkap, versteur, beskadig of vernietig nie; of 45
 - (b) enige boom, [of enige] bosprodukt afkomstig van 'n boom beoog in paragraaf (a), ander inheemse plantegroei of enige bosprodukt afkomstig van plantegroei in paragraaf (a) beoog, besit, versamel, verwyder, vervoer, uitvoer, koop, verkoop, skenk of op enige ander wyse verkry of daarvoor beskik nie;"; en 50
 - (c) deur die volgende subartikels by te voeg:
 - "(5) Indien iemand subartikel 1(a) skend, kan die Minister by skriftelike kennisgewing—
 - (a) daardie persoon inlig van die—
 - (i) aard van die beweerde oortreding; 55
 - (ii) stappe wat die persoon moet doen om die genoemde skending te voorkom of reg te stel; en

- (iii) tydperk waarbinne hy of sy die stappe in paragraaf (ii) bedoel, moet doen; en
- (b) benewens enige strawwe ingevolge artikel 63(2)—
- (i) gelas dat die genoemde persoon die stappe in die kennisgewing in subartikel (5)(a)(ii) bedoel, doen om verdere skade te voorkom of daardie skending reg stel; en 5
- (ii) die tydperk vasstel waarbinne hy of sy die stappe in subparagraaf (i) bedoel, moet doen.
- (6) Indien die persoon versuim het om binne die tydperk kragtens subartikel (5)(b)(ii) bepaal, aan die lasgewing te voldoen, kan die Minister— 10
- (i) redelike stappe doen om die situasie reg te stel;
- (ii) gevolglike skadevergoeding of kostes van die betrokke persoon verhaal; of
- (iii) 'n bevoegde hof om regshulp nader.”. 15

Wysiging van artikel 8 van Wet 84 van 1998, soos gewysig deur artikel 2 van Wet 35 van 2005

4. Artikel 8 van die Hoofwet word hierby gewysig deur die volgende subartikel by te voeg:

- “(3) 'n Persoon mag nie enige aktiwiteit in 'n beskermde gebied verrig wat onbestaanbaar met die bewarings-, ontspannings- of enige ander bestuursogmerke van daardie area is nie, met uitsondering van met 'n lisensie deur die Minister uitgereik onder buitengewone omstandighede wat die Minister kan bepaal.”. 20

Wysiging van artikel 14 van Wet 84 van 1998

25

5. Artikel 14 van die Hoofwet word hierby gewysig deur die volgende subartikel by te voeg:

- “(6) Die Minister kan 'n skriftelike bevel uitreik dat die afkap, vermindering of vernietiging van 'n individuele boom of groep bome onmiddellik gestaak moet word indien hy of sy redelike gronde het om te vermoed dat daardie boom of groep bome kan kwalifiseer om verklaar te word tot— 30
- (a) beskerm, ooreenkomstig artikel 12(a) en (b), totdat 'n kennisgewing in hierdie opsig ooreenkomstig artikel 14(2) in die *Staatskoerant* gepubliseer word; of
- (b) 'n beheerde bosgebied ooreenkomstig artikel 17.”. 35

Wysiging van artikel 15 van Wet 84 van 1998, soos gewysig deur artikel 3 van Wet 35 van 2005

6. Artikel 15 van die Hoofwet word hierby gewysig—

- (a) deur in subartikel (3) die woorde wat op paragraaf (b) volg deur die volgende woorde te vervang: 40
- “jaarliks publiseer by kennisgewing in die *Staatskoerant* en in twee koerante wat landswyd sirkuleer.”; en
- (b) deur in subartikel (3) paragraaf (b) deur die volgende paragraaf te vervang:
- “(b) 'n geskikte waarskuwing van die verbod in subartikel (1) bedoel en die gevolge van [die] 'n oortreding [daarvan, jaarliks publiseer] 45
- minstens elke vyf jaar publiseer of 'n verandering wat aan die lys in paragraaf (a) aangebring is, publiseer in die *Staatskoerant* en in twee koerante wat landswyd sirkuleer.”.

Wysiging van artikel 17 van Wet 84 van 1998, soos gewysig deur artikel 4 van Wet 35 van 2005**7. Artikel 17 van die Hoofwet word hierby gewysig—**

- (a) deur in subartikel (2) die woorde wat op paragraaf (b) volg deur die volgende woorde te vervang: 5
- “van ’n natuurlike bos of ’n boomveld wat deur ontbossing bedreig word of ontbos word [**of ontbos is**], kan hy of sy dit ’n beheerde bosgebied verklaar.”; en
- (b) deur die volgende subartikels by te voeg: 10
- “(13) Die Minister kan ’n beheerde bosgebied verklaar, en weens die dringendheid van die situasie, kan die Minister met die verklaring voortgaan sonder vooraf raadpleging met, of sonder om ’n vooraf verhoor toe te staan aan, enige geraakte persoon, maar so gou as redelik moontlik na die verklaring in artikel 17(3) beoog, moet die Minister—
- (a) oorleg pleeg met, en ’n verhoor toestaan aan, enige geraakte persoon; 15
- (b) enige verhoor oorweeg wat tydens sodanige oorlegpleging of verhoor ontvang is; en
- (c) die betrokke verklaring bevestig, verander of kanselleer. 20
- (14) Indien die Minister van oordeel is dat die eienaar versuim het om aan die kennisgewing ingevolge subartikels (3) en (4) uitgereik, te voldoen, kan hy of sy—
- (i) redelike stappe doen om die situasie reg te stel; 25
- (ii) gevolglike skade of koste van die betrokke eienaar of persoon verhaal; en
- (iii) ’n bevoegde hof om gepaste regshulp nader.”.

Wysiging van artikel 23 van Wet 84 van 1998, soos gewysig deur artikel 6 van Wet 12 van 2001

8. Artikel 23 van die Hoofwet word hierby gewysig deur die volgende artikel by te voeg: 30
- “(4) Niemand mag enige prospekter- of mynbouaktiwiteit in ’n Staatsbos onderneem nie, uitgesonderd ingevolge ’n bestaande huurooreenkoms om grys of sand vir padonderhoud uit te grawe nie.”.

Wysiging van artikel 34 van Wet 84 van 1998

9. Artikel 34 van die Hoofwet word hierby gewysig— 35
- (a) deur in subartikel (2) die punt aan die einde van paragraaf (i) deur ’n kommapunt te vervang; en
- (b) deur die volgende paragraaf by subartikel (2) te voeg: 40
- “(j) jeugdiges, vrouens en mense met gestremdhede.”.

Wysiging van artikel 35 van Wet 84 van 1998

10. Artikel 35 van die Hoofwet word hierby gewysig deur subartikels (4) en (5) onderskeidelik deur die volgende subartikels te vervang: 45
- “(4) Lede van die Raad en lede van [**’n komitee**] die komitees van die Raad in artikel 36 bedoel wat nie in die voltydse diens van die Staat is nie, kan vir hulle dienste betaal word, uitgesonderd vir die bywoning van Raadsvergaderings.
- (5) Die Minister moet die besoldiging en toelaes wat aan lede van die Raad en lede van [**’n komitee**] die komitees van die Raad in artikel 36 bedoel, betaalbaar is, met die instemming van die Minister van Finansies bepaal.”.

Wysiging van artikel 36 van Wet 84 van 1998

11. Artikel 36 van die Hoofwet word hierby gewysig deur in subartikel (6) die woorde wat paragraaf (a) voorafgaan deur die volgende woorde te vervang: 50
- “(6) Die funksies van die Komitee vir Toegang tot Bosse is om die Raad, Departement en die Minister te adviseer oor—”.

Wysiging van artikel 37 van Wet 84 van 1998

12. Artikel 37 van die Hoofwet word hierby gewysig deur subartikel (3) deur die volgende subartikel te vervang:

“(3) Die voorsitter van die Raad moet die Minister **[binne twee weke]** voorsien van advies of inligting voortspruitend uit enige vergadering van die Raad binne ’n tydperk van hoogstens een maand na die datum van die vermelde vergadering.” 5

Wysiging van artikel 47 van Wet 84 van 1998

13. Artikel 47 van die Hoofwet word hierby gewysig deur in paragraaf (a) van subartikel (1) subparagraaf (i) deur die volgende subparagraaf te vervang:

“(i) ’n **[provinsie of ander]** Staatsorgaan ooreenkomstig artikel 99 van die Grondwet van die Republiek van Suid-Afrika, 1996; of” 10

Invoeging van Hoofstuk 6A in Wet 84 van 1998

14. Die volgende hoofstuk word hierby na Hoofstuk 6 in die Hoofwet ingevoeg:

“HOOFSTUK 6A**APPÈL**

15

Reg op appèl

57A. (1) Iemand wat te na gekom voel deur ’n beslissing of stap gedoen deur ’n gedelegeerde beampte ingevolge hierdie Wet, kan op die voorgeskrewe wyse by die Minister appelleer teen sodanige beslissing of handeling. 20

(2) Die Minister kan ’n komitee, wat as die Appèlkomitee bekendstaan, saamstel om enige appèl ingevolge artikel 57D wat daarheen verwys word, te ondersoek en te oorweeg.

Samestelling en lidmaatskap van Appèlkomitee

57B. (1) Die Appèlkomitee moet bestaan uit ten minste drie lede deur die Minister op ’n *ad hoc*-grondslag en wanneer nodig aangestel, waarvan— 25

(a) een persoon op grond van sy of haar kennis van die tersaaklike velde van die reg aangestel moet word; en
(b) twee of meer persone kundiges oor die onderwerp van die appèl moet wees. 30

(2) Die persoon in subartikel (1)(a) bedoel, moet as die voorsitter van die Appèlkomitee aangewys word.

(3) Die Minister moet die lede vir ’n vasgestelde tydperk deur ’n ope en deursigtige proses aanstel. 35

(4) Die voorsitter en die ander lede van die Appèlkomitee moet, vir elke dag of deel van ’n dag in enige maand waarop die pligte aan die betrokke amp verrig is, vergoed word en ’n reis- en bestaanstoelaag betaal word, teen sodanige daaglikse koers wat die Minister in oorleg met die Minister van Finansies van tyd tot tyd kan vasstel. 40

(5) Ten einde vir aanstelling of aanwysing as lid van die Appèlkomitee te kwalifiseer, en om aan te hou om daardie amp te beklee, moet ’n persoon—

(a) nie aan enige onbevoegdheid in subartikel (6) uiteengesit, onderworpe wees nie; en
(b) ’n skriftelike verklaring aan die Minister voorgelê het wat verklaar dat die persoon— 45
(i) nie ingevolge subartikel (6) onbevoeg is nie; en
(ii) nie enige persoonlike belange, of belang deur ’n gade, vennoot of medewerker het nie.

- (6) Iemand mag nie 'n lid van die Appèlkomitee wees nie indien daardie persoon—
- (a) 'n ongerehabiliteerde insolvent is of hy of sy insolvent word en die insolvensie lei tot die sekwestrasie van daardie persoon se boedel;
 - (b) ooit uit 'n vertrouensamp verwyder is of word omrede 'n skuldigbevinding ten opsigte van 'n klagte van wangedrag wat verband hou met bedrog of die wanaanwending van geld;
 - (c) onderworpe is aan 'n bevel van 'n bevoegde hof wat daardie persoon geestesongeskik verklaar;
 - (d) binne die voorafgaande 10 jaar in die Republiek of elders skuldig bevind is, of word, aan diefstal, bedrog, vervalsing of uitgee van 'n vervalste dokument, meened, 'n misdryf kragtens die Wet op die Voorkoming en Bestryding van Korrupte Bedrywighede, 2004 (Wet No. 12 van 2004), 'n misdryf kragtens die Wet op die Finansiële Intelligensiesentrum, 2001 (Wet No. 38 van 2001), of 'n misdryf wat oneerlikheid behels; of
 - (e) aan enige ander misdryf skuldig bevind is wat gepleeg is nadat die Grondwet van die Republiek van Suid-Afrika, 1996, in werking getree het, en gevonnissen is tot gevangenisstraf sonder die opsie van 'n boete.
- (7) 'n Lid van die Appèlkomitee moet nie—
- (a) by enige aktiwiteit betrokke raak wat die integriteit van die Appèlkomitee kan ondermyn nie;
 - (b) die verrigtinge van die Appèlkomitee bywoon, daaraan deelneem of dit beïnvloed nie indien, in verband met die saak voor die Appèlkomitee, daardie lid 'n belang het wat die lid daarvan verhoed om die werksaamhede van 'n lid van die Appèlkomitee op 'n regverdige, onbevooroordeelde en behoorlike wyse te verrig;
 - (c) private gebruik maak van, of wins maak uit, enige vertroulike inligting verkry na aanleiding van die verrigting van daardie persoon se werksaamhede as 'n lid van die Appèlkomitee nie; of
 - (d) enige inligting in paragraaf (c) bedoel aan enige derde party bekend maak nie, behalwe soos vereis as deel van daardie persoon se amptelike werksaamhede as 'n lid van die Appèlkomitee.
- (8) Indien dit te eniger tyd vir 'n lid van die Appèlkomitee blyk dat 'n aangeleentheid wat tydens verrigtinge deur die Appèlkomitee oorweeg word, 'n belang van daardie lid in subartikel (7)(b) beoog, aangaan, moet daardie lid—
- (a) die aard van daardie belang onmiddellik en ten volle aan die teenwoordige lede oordra; en
 - (b) uit die verrigtinge onttrek om die oorblywende lede toe te laat om die aangeleentheid te bespreek en vas te stel of die lid daarvan belet moet word om aan enige verdere verrigtinge aangaande daardie aangeleentheid deel te neem.
- (9) Die bekendmaking deur 'n lid van die Appèlkomitee ingevolge subartikel (8)(a), en die besluit deur die Appèlkomitee ingevolge subartikel (8)(b), moet uitdruklik in die oorkonde van die betrokke verrigtinge opgeneem word.

Vakatures op Appèlkomitee

- 57C.** (1) 'n Lid van die Appèlkomitee ontruim die amp—
- (a) as die lid onderhewig word aan enige onbevoegdheid in artikel 57B(6) bedoel; en
 - (b) in die geval waar die lid bedank het deur een maand skriftelik aan die Minister kennis te gee, wanneer die lid se bedanking van krag word.
- (2) Die Minister kan, behoudens die behoorlike regsproses, enige lid van die Appèlkomitee uit die amp verwyder—
- (a) vir wangedrag;
 - (b) vir versuim om die pligte van 'n lid te verrig of om sodanige pligte pligsgetrou en doeltreffend te verrig; of

- (c) indien die lid, weens enige fisieke of geestesongesteldheid of gebrek, nie langer daartoe in staat is om 'n lid se pligte te verrig of die pligte pligsgetrou en doeltreffend te verrig nie.
- (3) (a) Enige vakature op die Appèlkomitee moet deur die Minister gevul word deur die aanstelling van nog 'n lid ooreenkomstig artikel 57B(3). 5
- (b) 'n Aldus aangestelde lid beklee die amp vir die onverstreke gedeelte van die voorganger se ampstermyn.

Onderzoek en oorweging van appèl deur Appèlkomitee

- 57D.** (1) Die Minister kan 'n appèl na die Appèlkomitee verwys.
- (2) 'n Appèl moet op die datum, tyd en plek deur die voorsitter bepaal, aangehoor word. 10
- (3) Die voorsitter moet die appellant en enige ander party wat 'n belang by die appèl het, skriftelik inlig van die datum, tyd en plek van die verhoor.
- (4) Die voorsitter kan, vir die doel van die aanhoor van 'n appèl—
- (a) enige persoon dagvaar wat wesenlike inligting het oor die onderwerp van die verhoor of wat enige dokument in sy of haar besit of bewaring of beheer het wat enige betrekking het op die onderwerp van die verhoor, om op 'n datum, tyd en plek in die dagvaardiging gespesifiseer, voor die Appèlkomitee te verskyn om ondervra te word of om daardie dokument te verstrek, en die voorsitter kan enige aldus verstrekte dokument vir ondersoek behou; en 15
- (b) 'n eed afneem van of 'n bevestiging aanvaar van enige persoon wat by die verhoor as getuie geroep word. 20
- (5) Iemand wat ingevolge artikel 57A appèl aanteken, kan deur enigiemand verteenwoordig word. 25
- (6) Indien 'n lid van die Appèlkomitee—
- (a) tydens die ondersoek van die appèl of so gou voor die begin van die ondersoek sterf dat die vakature nie betyds gevul kan word nie; 30
- (b) nie kan optree nie en iemand anders nie betyds aangestel kan word nie; of
- (c) na die ondersoek begin het nie daarmee kan voortgaan nie, kan die partye ooreenkom dat die ondersoek deur die oorblywende lede van die Appèlkomitee voortgesit word.
- (7) Waar die lid van die Appèlkomitee wat oorlede is of wat onbevoeg geword het soos in subartikel (5) beoog, die voorsitter van die Appèlkomitee was, moet die Minister een van die oorblywende lede van die Appèlkomitee aanwys om as voorsitter op te tree tot die Minister 'n voorsitter aanstel. 35
- (8) Enigiemand wat ingevolge artikel 57B en 57C(3) aangestel word, moet sigself as lid van die Appèlkomitee verskoon as hy of sy enige regstreekse of onregstreekse persoonlike belang by die uitkoms van die appèl het. 40
- (9) Die Appèlkomitee moet 'n aanbeveling by die Minister doen oor hul besluit aangaande 'n appèl.

Oorweging deur Minister van appèl

- 57E.** (1) Wanneer die Minister 'n aanbeveling ingevolge artikel 57D(9) ontvang, kan hy of sy—
- (a) die aanbevelings van die Appèlkomitee vervang, bevestig of tersyde stel; en 50
- (b) beveel dat die gedelegeerde beampte die besluit in verband daarmee uitvoer.
- (2) Waar die Minister 'n appèl oorweeg, kan hy of sy—
- (a) die besluit van die gedelegeerde beampte bevestig, tersyde stel of verander; en
- (b) beveel dat die gedelegeerde beampte die besluit in verband daarmee uitvoer. 55

- (3) Die ‘Promotion of Administrative Justice Act’, 2000 (Wet No. 3 van 2000), is van toepassing.
- (4) Die besluit van die Minister moet skriftelik wees en ’n afskrif daarvan moet aan die gedelegeerde beampte, appellant en enige ander party met ’n belang in die appèl voorsien word. 5
- (5) Indien die Minister—
- (a) enige besluit of aksie deur die gedelegeerde beampte tersyde stel, moet die voorgeskrewe gelde deur die appellant vir die appèl betaal, aan hom of haar terugbetaal word; of
- (b) enige besluit of aksie deur die gedelegeerde beampte verander, kan die Minister gelas dat die geheel of enige gedeelte van daardie gelde aan die appellant terugbetaal word.”. 10

Wysiging van artikel 58 van Wet 84 van 1998

15. Artikel 58 van die Hoofwet word hierby gewysig—
- (a) deur subartikel (6) deur die volgende subartikel te vervang: 15
- “(6) Iemand wat skuldig is aan ’n kategorie 5-misdryf bedoel in artikel 61, mag [nie] tot ’n boete van hoogstens R10 miljoen of gevangenisstraf vir ’n tydperk van hoogstens 10 jaar of sowel die boete as daardie gevangenisstraf gevonnissen word [nie, maar kan gevonnissen word tot ’n boete van tot R50 000].”; en 20
- (b) deur in subartikel (8) paragraaf (b) deur die volgende paragraaf te vervang: “(b) vir enige misdryf kragtens hierdie Wet, kan ’n lisensie wat ingevolge artikel 7, 15 of 23 aan die oortreder verleen is, opskort of intrek.”.

Vervanging van artikel 61 van Wet 84 van 1998

25

16. Artikel 61 van die Hoofwet word hierby deur die volgende artikel vervang:

“Misdrywe rakende volhoubare bosbestuur

61. Iemand wat versuim om die stappe te doen wat hy of sy beveel is om te doen ingevolge [artikel] artikels 4(8), 7(5), 8(3), 14(6) en 17(3) binne die tydperk of die verlengde tydperk wat bepaal is, is skuldig aan ’n kategorie 5-misdryf.”. 30

Wysiging van artikel 62 van Wet 84 van 1998, soos gewysig deur artikel 12 van Wet 12 van 2001 en artikel 7 van Wet 35 van 2005

17. Artikel 62 van die Hoofwet word hierby gewysig—
- (a) deur subartikel (1) deur die volgende subartikel te vervang: 35
- “(1) Iemand wat die verbod op sekere handelinge met betrekking tot bome, inheemse plantegroei of enige ander bosprodukt in natuurlike bosse bedoel in artikel 7(1) oortree, is skuldig aan ’n kategorie [2-misdryf] 1-misdryf.”; en
- (b) deur subartikel (3) deur die volgende subartikel te vervang: 40
- “(3) Iemand wat ’n verbod of enige ander bepaling oortree in ’n kennisgewing wat ’n beheerde bosgebied verklaar kragtens artikel 17(3) en (4), is skuldig aan ’n kategorie [2-misdryf] 1-misdryf.”.

Wysiging van artikel 63 van Wet 84 van 1998, soos gewysig deur artikel 8 van Wet 35 van 2005

45

18. Artikel 63 van die Hoofwet word hierby gewysig deur subartikel (5) deur die volgende subartikel te vervang:

- “(5) Iemand wat ’n voorwaarde in ’n lisensie, vrystelling of enige ander magtiging ingevolge hierdie Wet oortree, ten opsigte van—
- (a) [in] ’n beskermde gebied, natuurlike bos of beskermde bome, is skuldig aan ’n kategorie 2-misdryf; en 50
- (b) [in] enige ander bos, is skuldig aan ’n kategorie 3-misdryf.”.

Wysiging van artikel 65 van Wet 84 van 1998

19. Artikel 65 van die Hoofwet word hierby gewysig—

- (a) deur die woord “en” aan die einde van paragraaf (a) te skrap;
- (b) deur die punt aan die einde van paragraaf (b) deur ’n kommapunt te vervang;
en
- (c) deur die volgende paragrawe by te voeg:
 - “(c) verskillende vlakke vir bosbeampes bepaal; en
 - (d) kwalifikasiekriteria vir bosbeampes bepaal.”.

5

Kort titel en inwerkingtreding

20. Hierdie Wet heet die Wysigingswet op Nasionale Bosse, 2022, en tree in werking 10
op ’n datum deur die President by proklamasie in die *Staatskoerant* vasgestel.